

ZEREGINAK:

- Udalerriko agintariak babestea.
- Udalerriko eraikinak, instalazioak eta azpiegiturak zaindu eta jagotea.
- Uriguneko zirkulazinoa antolatu, seinalizatu, kontrolatzea eta zuzenketa, Zirkulazino eta Bide Segurtasun arauak ezarritakoaren arabera.
- Urigunean gertatzen diren bide-istripuek eragindako atestatuak egitea.
- Euren eskumenen barruan, Ordenantza, Bando, Ingurumen eta generako udal xedapenen ganeko administrazio-polizia lanak burutzea.
- Epai-aginteei eta Epai-Polizia Unidadeei laguntzea emonaz, Epai-Polizia lanak burutzea.
- Istripuak, hondamendiak edo ezbehar publikoak gertatzen direnean esku hartzea, legeak ezartzen daben moduan.
- Prebentzio eginbideak egitea eta lege-hauste diren egintzak ekiditera zuzendutako jardura guztiak burutzea.
- Leku publikoak zaintzea eta udalerriko ordena mantentzen laguntzea.
- Gatazka pribatuei urtenbidea topetan laguntzea, hori egiteko eskatzen jakenean.
- ❖ Bermeoko udalerraren lurralde eremuan jardungo dabe Udaltzainek eta lurralde- eremutik kanpora be jardun ahal izango dabe larrialdietan edo premiazko egoeretan, aginpidedun agintariak halan eskatuta, jagokon alkateak horretarako baimena emoten deuten kasuetan.

1.- KATEGORIAK:

- ❖ Bermeoko Udaltzaingoak izango dauzan eskalak eta kategoriak: Ikuskapen eskalea, Ofizialorde Katgoria(Udaltzainburua) eta Oinarrizko Eskalea, Agente Lehena Katgoria(Txandako Arduraduna) eta Agentea(Udaltzaina).

2.- ZEREGINAK ETA ESKUMENAK:

1. Udaltzainburuaren zereginak:

- ❖ Zerbitzua antolatu, zuzendu eta koordinatu, jarraitu beharreko arauak jarri eta zerbitzuaren helburu guztiak betetzen dirala zaindu.
- ❖ Bere menpeko guztiei euren betebeharrak betetea eskatzea, funtzionario bakoxtari jagokozan atribuzinoei kalterik egin barik.
- ❖ Zerbitzuaren aurrekontu-aurreikuspenak aurkeztea alkateari, udal aurrekontuetan ahal izateko.
- ❖ Zerbitzuaren urteko memoria aurkeztea.
- ❖ Zerbitzuaren jarduerak gainbegiratzea, bere eraginkortasuna ziurtatu ahal izateko.
- ❖ Diziplina mantendu eta ezartzen diran diziplina neurriak betetzen dirala zaintzea.
- ❖ Udaltzaingoaren garapen eta antolamendu hobea lortzeko asmotan, Alkatetza-Udalburutzeari proposamenak egitea.
- ❖ Zerbitzu gaietan bere menpekoei arretaz, inpartzialtasunez eta justiziaz aholku emotea Udaltzaingoarentzat aplikagarriak diran legezko xede eta arauak ezagutzera emonez, ezagutarazoz eta betearazoz.
- ❖ Udaltzaingoak daukan pertsonalaren denbora gehigarria, oporrak eta ordutegia kontrolatzea.
- ❖ Bere menpekoen prestakuntzea bermatu. Horretarako, Udaltzainen hobekintzea eta birziklatzea lortzeko ikastaroak proposatuko dauz.
- ❖ Diziplina, alkarrizketea, alkartasuna eta parte hartzea bultzatzea pertsonal; guztiari.
- ❖ Alkatetza-Udalburutzearen aginduak hartu, eta, berak daukazan arauzko eskumenen barruan, eta, tokiko funtzionario publikoen estatutu-araubideak ezarritakoari egokituta, ahalik eta arretarik handienagaz betetea.
- ❖ Gertatzen diran nobedade guztiak aztertzea eta Alkatetza-Udalburutzeari horreen barri emotea, baita udaltzainek egindako hutsegite guztiak zein merituzko ekintzena be, eta diziplina espedientei hasierara emotea naiz aintzatespen aipamenak proposatzea.
- ❖ Euren garrantziak holan eskatzen daben kasuetan zuzendaritza osoa berak hartzea. Aldi berean, beti egongo da aurkitzeko moduan eta zerbitzuaren esku.
- ❖ Lana hobeto antolatzeko egoki ikusten dauzan zereginak zuhurtasunez txandetako arduradunei eskuordetzea, zerbitzu guztien erantzunkizuna inoiz be eskuordetu barik bere osotasunean.
- ❖ Babes Zibilerako Toki-Batzaren eta Toki-Segurtasun Batzordearen kidea izango da.
- ❖ Beste Segurtasun Indar eta Kidegoetako buruakaz behar dan komunikazio mailea izatea, herritarren segurtasun eta babes arloan lankidetzea eraginkorra izan daiten.
- ❖ Administrazio Unidatearen laguntzea izango dau bere zereginak betetzeko.
- ❖ Pertsonalak zerbitzua emoteko behar dauan materiala eta ekipo guztia eskuratzeko behar diran gestinoak egingo dauz.
- ❖ Udaltzaingoari atxikitako dependentzien eta ekipamenduen erabilera zuzena eta egokia bultzatuko dau.
- ❖ Trafiko arloko zigor-espedienteetan instruktore-buru modura arituko da, Atestatuetan eta Epailen Diligentzietan.

- ❖ Araudi honetan emoten jakozan zeregin orokorrak zehatz betetea, eta era berean, lanpostua beteteko eskatu jakon prestakuntzeagaz bat datozen agintzen jakozan lanak egitea.

2. TXANDAKO ARDURADUNA:

- ❖ Bere txandako langileen lana modu eragin korrean egiteko koordinatzea, Buruzagitzeak agindu emon deutson zerbitzuetan.
- ❖ Udaltzainburua ordezkatzeta, hau ez dagoanean, ezarritako prozedurakaz bat etorriz, batez be lan ordutegitik kanpo eta ordezeko izate hori zehazki agindu jakonean.
- ❖ Buruzagitzeak agindutakoa, bere txandako udaltzainek beteten dabela zainduko dau, eta betearazoten lagunduko.
- ❖ Emon jakezan ibilgailu eta material guztiak behar dan moduan erabilteko ahaleginak egingo dauz, zerbitzu-txanda bakotxa hasi orduko eta gero ondo dagozala ikusirik, eta ezelako anomaliarik badago horren barri emongo dau.
- ❖ Diziplina, alkarrizketeta, alkartasuna, kontsultea eta parte hartzea bultzatzea pertsonal guztiaren artean.
- ❖ Ezarritako prozeduren arabera hartu behar diran neurriak hartuko dauz, hutsegiteren bat egon bada edo diziplina urratu bada.
- ❖ Bere txandan egindako gestino guztien barri idatziz emongo deutso bere buruari.
- ❖ Zerbitzua hobetzeko egoki ikusten dauan edozein iradokizunen barri emongo deutso hierarkian bere ganean dagoanari.
- ❖ Herritarren Segurtasun Unidadearen lanetan hartuko dau parte.
- ❖ Zerbitzaldian gertatzen diran gorabehera garrantzitsu guztien barri emotea unean Udaltzainburuari.
- ❖ Hierarkian bere ganean dagoanak agintzen deutson edozein lan, bere zereginakaz zerikusia badauka.
- ❖ Bere araudian emoten jakozan zeregin orokorrak zehatz betetea, eta era berean, lanpostua beteteko eskatu jakon prestakuntzeagaz bat datozen agintzen jakozan lanak egitea.

3. UDALTZAINA(HERRITARREN SEGURTASUN UNIDADEA):

- ❖ Zerbitzuaren jardute, prozedura eta helburu guztiak ezagutu eta bere gain hartzea, eta, udal agindu, araudi eta erabagiak beteten dirala zaintzea.
- ❖ Bermeoko urigunean zirkulazinoa zaindu eta kontrolatzeko lana burutzea.
- ❖ Euren egoera bereziagaitik leku gatazkatsuak diranei arreta berezia jartea.
- ❖ Bere kabuz konpondu ezin dauan edozein arazoan barri emotea hierarkian bere ganean dagoanari, baita, identifikaziorako baliagarriak izan daitekezan datu guztiak hartu eta jakinarazotea.
- ❖ Gertakarien lekuan aurkitutako edozein froga gordetea eta frogatzat hartu daitekeen edozein gertakariren hasierako ikerketa egitea.
- ❖ Epai-zein Administrazino-Polizia lanak betetea, baita zerbitzu barruan gertatzen dan edozein gertakariren hasierako ikerketa egin.
- ❖ Bere zerbitzaldian gertatu dan edo berak parte hartu dauan zein gertatu izanaren barri daukan gorabehera edo ezbeharren atestatuak egitea.
- ❖ Bere lan-txandan egin dauan guztiaren barri emotea idatziz, hierarkian bere ganean dagoanari.
- ❖ Bere zerbitzaldian udal eraikin, bulego, instalazino eta azpiegiturak zaintzea, eta ikusitako anomalien barri emotea.
- ❖ Lanean erabilten dauzan material edo ekipo guztiakaz euki leikezan arazoan barri emotea hierarkian bere ganean dagoanari.
- ❖ Zerbitzua hobetzeko asmoz egoki ikusten dauan edozein iradokizunen barri emotea hierarkian bere ganean dagoanari.
- ❖ Araudi honetan emoten jakozan zeregin orokorrak zehatz betetea, eta era berean, lanpostua beteteko eskatu jakon prestakuntzeagaz bat datozen agintzen jakozan lanak egitea.

4. UDALTZAINA(ADMINISTRAZINO UNIDADEA):

- ❖ Zerbitzuaren jardute, prozedura eta helburu guztiak ezagutu eta bere ganean hartzea, eta, udal agindu, araudi eta erabakiak betetzen dirala zaintzea.
- ❖ Trafiko arloko lege-urratzeen ondoriozko salaketan izapideak burutu, kontrolatu eta zaintzea.
- ❖ Epai eta Administrazio-Polizia lanetan parte hartzea Herritarren Segurtasun Unidateagaz batera, bai izapideak burutzeko, zein kasuetan esku hartze zuzena izateko, Udaltzainburuak holan eskatu ezker, edo bera ez badago, txandako arduradunak eskatuta.
- ❖ Udaltzainburuari laguntzea bere zereginetan.
- ❖ Sailak sortutako administrazio-izapideak egin, kontrolatu eta zaintzea.
- ❖ Zerbitzuan dagoanean sailaren egitekoak ondo garatzea eta lankidetzeta izatea bulego eta udal dependentzietan.
- ❖ Bere kabuz konpondu ezin dauzan arazoan barri emotea hierarkian bere ganean dagoanari, eta, identifikaziorako beharrezkoak diran datu guztiak hartu eta jakinarazotea.
- ❖ Lanean erabilten dauzan material edo ekipa guztiakaz euki leikezan arazoan barri emotea hierarkian bere ganean dagoanari.
- ❖ Zerbitzua hobetzeko egoki ikusten dauan edozein iradokizunen barri emotea hierarkian bere ganean dagoanari.
- ❖ Zerbitzaldian gertatzen diran gorabehera garrantzitsu guztien barri emotea unean Udaltzainburuari.
- ❖ Herritarren Segurtasun Unidateko udaltzainaren lana betetea, ordezkapenen bat egin behar dabelako, lan asko dagoalako edota beste beharrez bategaitik, hori agintzen jakelako.
- ❖ Araudi honetan emoten jakozan zeregin orokorrak zehatz betetea, eta era berean, lanpostua beteteko eskatu jakon prestakuntzeagaz bat datozen agintzen jakozan lanak egitea.

5. UDALTZAINA(UNIDADE ERAGILE LAGUNTZAILEA):

- ❖ Zerbitzuaren jardute, prozedura eta helburu guztiak ezagutu eta bere ganean hartzea, eta, udal agindu, araudi eta erabakiak beteten dirala zaintzea.
- ❖ Sailaren burokratia.izapidean laguntzea(jakinazpenak egin, informazioa emon, etab).
- ❖ Bere zerbitzaldian udal eraikin, bulego, instalazio eta azpiegiturak zaintzea, eta ikusitako anomalien barri emotea.
- ❖ Berak, bere kabuz, konpondu ezin dauan edozein gorabeheraren barri emotea hierarkian bere ganean dagoanari, baita identifikatzeko balio daben datuak hartu eta jakinarazotea.
- ❖ Lanean erabilten dauzan material edo ekipa guztiakaz euki leikezan arazoan barri emotea hierarkian bere ganean dagoanari.
- ❖ Zerbitzua hobetzeko egoki ikusten dauan edozein iradokizunen barri emongo deustoa hierarkian bere ganean dagoanari.
- ❖ Udaltzainburuari laguntzea bere zereginetan.
- ❖ Administrazio Unidateari laguntzea bere lanetan.
- ❖ Zerbitzaldian gertatzen diran gorabehera garrantzitsu guztien barri emotea unean Udaltzainburuari.
- ❖ Herritarren Segurtasun Unidateari laguntzea lanak egiten, bigarren jarduerara igaroten dan momentuan eta unidatera asignatzean zehazten dan arabera.
- ❖ Bere araudian emoten jakozan zeregin orokorrak zehatz betetea, eta era berean, lanpostua beteteko eskatu jakon prestakuntzeagaz bat datozen agintzen jakozan lanak egitea.